

欽定字惠全書

孚惠全書卷五十三

截撥裕食七

乾隆五十二年三月二十四日奉

上諭據書麟奏安省連年災歉蒙恩蠲緩司庫耗羨不敷支用請於隣近省分協撥銀十五萬兩以資接濟等語著照所請於江寧藩庫協撥耗羨銀十萬兩蘇州藩庫協撥耗羨銀五萬兩照例解往備用

五月初一日奉

上諭前因豫省上年麥收豐稔今春復雨水調勻麥價平減曾經諭令畢沅採買運京以資民食業據該撫奏明買運京麥五萬石並將前歲該省截

留漕米買麥抵補亦即運送京倉昨金簡由通州
回京覆奏詢據各鋪戶等聞得德州一帶現有河
南山東各省商販運京麥二十餘萬石因東省糧
船正在起撥若將麥船一併封雇恐抵通稍遲當
即令劉秉恬梁肯堂前赴德州一帶催查俾前項
麥石得以通行無阻茲據長麟奏稱該省東昌等
處亦有麥船三百餘隻等語此項麥船著蘭第錫
飭令管牘各官不必俟南漕到牘即令各商麥船
一齊過牘並派委員弁上緊催趲前進行抵德州
時仍著劉秉恬梁肯堂一體催令迅速抵通俾麥
石源源接濟以期民食益臻充裕市價大加平減
仰副朕恤民便商之至意

御製河南巡撫畢沅奏籌買運京麥石事宜詩以

誌事

春雨未優霽麥收將致歉凡事應豫籌宵旰急何

敢南方慶時若嘉音每披覽北省乃不齊澤渥豫

晉陝

今春北省雨澤山東迤南尚可迤北望雨直隸迤東亦可迤西亦望雨惟河南陝西山西

俱奏報雨水優霽二麥可期豐稔

麥秋可卜稔市價胥大減晉陝

遠豫近酌劑調豐儉况可一舟通而無山路險降

旨詢撫臣奏至黃封檢

昨因近京一帶春夏以來缺雨麥價較昂不可不豫

籌民食豫省大河以南上年麥收既稔今春復雨水調勻麥價平減因馳諭詢問畢沅令其酌量採

買運京以備平糶茲據奏至民間雖有餘糧積時屆青黃不接糧價有減無增反覺穀賤傷農可以

和糴等語豫正慮傷農價買民欣感五萬石易得即可

運以艦並籌應徵穀亦可易麥斂益善不妨多經

理已示範

並據奏稱豫省春雨優需來年又復告稔民間除留備家食之外均思糴買所

餘以供應用因而糧廣價賤今乘此二麥漸次登場倉箱寬裕之際小民正以得售為樂現在買麥

四五萬石運京不但民食無碍且於閭閻生計有裨並請將前歲歸德一帶截留漕米三萬一千餘

石尚未買補運京一項亦可一體買麥抵米運至水次交倉存貯俟今冬糧船起運時附搭運通實

屬一舉兩得畢沅所辦甚為經理得宜覽奏為之欣慰即此令速行妥辦蓋豫籌民食多多益善耳

豫增閭閻計燕資餅餌噉披章為之慰經濟誠無

忝獨思子輿言

謂對梁惠王移粟之言

未免意為欲

十二月初三日奉

上諭據蘭第錫等奏回空漕船俱於十一月中旬

陸續催過濟寧南下其在後之台州等九幫在陽

穀東阿等處地方因連日北風時作冰堅凍阻不

能前進請俟明年正月開壩時儘數催行一面飛

咨浙江撫臣各備撥船趕兌漕糧沿途迎受仍可
無悞新漕等語浙省台州九幫回空漕船既經凍
阻不能如期攢赴水次受兌新漕若令將明歲應
兌漕糧由浙省用撥船趕兌迎赴沿途裝載挽運
仍不免往返之勞前此因臺灣逆匪滋事閩省米
糧短缺曾諭令江浙湖廣江西四川等省撥運米
石百餘萬現今源源運到該省糧食已為充裕此
時大功將次告竣固無需再行接濟軍糈但交春
後即屆青黃不接之時自不妨寬為籌備所有浙
省台州九幫明年應兌漕糧竟無庸撥船運送來
京著琅玕將此項新漕於徵收齊全後即由海道
運往閩省交李侍堯徐嗣曾收貯遇應行平糶時

即可動用即日臺灣逆匪蕩平該處產米自可照舊運入內地復得此項漕糧接濟閩省儲積充盈軍民口食所需倍當寬裕更為一舉兩得該部遵諭速行

乾隆五十三年七月十一日奉

上諭前據圖桑阿陳淮奏荊州江水泛漲隄塍潰決以致府城及滿城均被淹浸覽之惕然惻然已屢有旨諭令舒常等迅速前往詳悉查明妥加撫恤矣看來荊州被淹情形甚重本日又據圖桑阿奏該處城垣四十四六年曾兩次被淹城垣亦不堅固此次被淹更重等語荊州城垣既兩被水淹此次因沖開西北兩門直入城內水深一丈餘

尺雖漸次消落而城垣經此一番淹浸基址必致鬆動閃矧勢須另行修建朕意該處城垣既屢被水淹自因江水頂衝之故而城內水至又餘其地勢亦必低下可知但該處為古來重鎮近乃屢被淹浸殊非捍衛久安之道或江路有所遷移乎茲既另需修建何必與水爭地莫若擇一地勢較高及非頂衝之處酌量移建庶可以一勞永逸若該府民人安土重遷或難改建不妨將城垣衙署酌移高阜處所收小改建亦無不可至該處城工既需另建而衙署倉廩監獄以及駐防官兵房屋一切亦被水淹均須查明分別修建其被災人口尤應急行撫恤需項浩繁該省藩庫所存銀兩必不

敷用著於戶部庫內動撥銀二百萬兩並派戶部
司員二人每人管解銀一百萬兩徑送荊州應用
並著沿途各該督撫速備人夫車馱直隸著派梁
肯堂河南著派景安湖北著派李天培並各派出
道府營員一體護送以期迅速解到至此次荊州
城垣可否改建及尚可因舊朕不能懸度及一切
撫恤事宜所關甚鉅恐舒常姜晟等見識未能周
到阿桂歷經委任自能善體朕意德成於工程亦
為諳習著派令由驛前往勘辦所有城工應否改
建及如何籌辦毋致再被水淹之處著交阿桂會
同舒常定議具奏改與不改阿桂定之其料估城
垣倉廩及駐防官兵房間等項工程著交德成核

實估計具奏阿桂德成接奉諭旨即迅速起程前往不必前赴行在請訓其詳悉俟朕細思續有指示辦理之處即行由驛陸續寄知阿桂等到彼當詳細籌勘妥協辦理不必泥於遵旨以副朕軫念兵民保障久遠至意其留京事務著綽克托代辦

乾隆五十四年六月十九日奉

上諭現在江南河工有堵築疏濬各事宜該處庫項恐不敷用著戶部查明於就近地方撥銀一百萬兩迅速解往交與書麟等以濟工用

御製書蘭第錫奏睢寧南岸隄工漫溢情形詩以

誌事

乙酉

年年入伏鱸河工酉歲水行更切中忽報漲河並

長上沁况兼驟雨及終風

前據書麟蘭第錫等奏本年黃河大汛水勢疊

漲茲又據奏到節次將上游毛城鋪下游陶莊新河北岸之玉皇閣引河及王家營減壩李家莊等

陸續間放宣洩乃連接豫省萬錦灘於六月初徒長水下旬長水七尺餘豫省萬錦灘於六月初徒長水

九尺沁河亦同日陡長水四尺七寸洪澤湖內因淮水節次長發高堰誌椿於六月初十日連底水

長至一丈二尺五寸徐州府城北門外誌椿同時連桃汎之水長至一丈五尺三寸為十數年來未

有之盛漲而昨寧縣南岸之周家樓無工處所大溜直趨正在竭力搶護於初九夜間復值狂風驟

雨陣水擁溜高起數尺漫過隄頂致將隄身刷開一百餘丈該處土性浮鬆是以潰塌測量口門水

深四丈以外大河溜勢已有一半分趨入口現在一面先行趕護裏頭並即集料籌堵設法疏濬等

語漫隄已是淹廬舍又據奏刷開口門在昨寧縣之東南漫溢下注之門之水由舊

河形入沈家湖從歸仁隄出安河之隄門歸洪澤湖漫水經過之村莊內人口尚無傷損推廬舍間

有倒塌發帑速救救困窮書麟雖已飭府縣前往查勘撫恤然該處驟被水淹

深堪憫惻當即救部於就近處撥銀一百疏路還萬兩交該督等速為拯救無致一夫失所

應慎洪澤又據奏今年湖水本大東清禦黃兩壩早經全行拆除使由清口暢出歸海但
周家樓漫下之水既入洪湖自必日有增長山旴
五壩不便全行固守已飭將智字一壩先行起放
分洩等語向來五壩不使輕議開放以下河民田
所係匪輕今洪湖水勢既大暫開一壩令其宣洩
此亦無可如何之計惟諭令竭力敬南瞻愧以蓋
慎為之冀得刻期堵築以慰縈念耳

憂忡

九月十七日奉

上諭劉綦奏本年直隸被水州縣較多應給駐防
兵米採運稍艱請即於賞給通倉漕米四十萬石
內撥出一萬六千五百三十石零以為駐防兵米
等語著照所請准其撥給該部知道

乾隆五十五年八月初一日奉

上諭昨據長麟奏濟南東昌等府屬因雨水過多

田禾被淹者共計四十一州縣已傳諭該撫督飭所屬妥為撫卹第念東省此次被災之處較多小民生計拮据殊堪軫念該省現在修理城工需用繁多藩庫款項恐不敷賑恤之用著於部庫撥銀一百萬兩照例解往以備賑恤如尚有不敷賑恤之用再行奏請動撥該撫務須督率各屬悉心經理俾得均霑實惠毋令一夫失所以副朕軫恤閭閻至意該部遵諭速行

御製山東巡撫長麟奏山東省被水州縣籌辦賑

恤情形詩以誌事

庚戌

東省春過為

去聲

盼雨復經得雨幸非遲

夏初東巡旋蹕見東

省二麥已經結穗而屢次獲雨俱未霑透頗為懸厓嗣節據東麟奏東省於四月十三十八等日全

省連得透雨無復仍行望麥重吐穗夏原獲又奏
雨之處麥秋尚可冀有收麥重吐穗夏原獲各屬
高阜處所得雨之後已萎麥苗根旁另生新枝結
實亦尚飽綻及報麥收分數仍有七分餘而大田
茂意謂秋禾怒拔苗秋可期孰謂伏霖為異漲
稔亦可豫期
竟成巨沴害生資
茲據長麟奏平原禹城等縣自
六月廿四日起至七月初七八
雨水連綿馬頰等河水勢盛漲漫溢田禾房舍間
被淹浸其積水處所設法疏消總計被水者共有
四十一州縣其高阜之區仍屬豐稔惟低窪地畝
不無傷損現委各府分投確勘並籌辦挑挖淤淺
及應修城工以工代賑外再行分別給予賑濟事
宜細閱所奏被水情形深為憫惻即諭令詳妥籌
辦俾受實惠不可惜費
以副軫念災黎至意
可憐赤子嗟失望賑恤叮
嚀莫或遺

九月初九日奉

上諭前經降旨將漕糧三十萬石截貯北倉派撥
直隸各州縣賑濟之用茲據梁肯堂奏被水各州

縣實需賑恤者計有四十餘處各處存倉米穀自應儘數動支除冬間散賑外尚應豫備來年出借籽種口糧減價平糶現審之大賑加賑米糧恐不敷用懇於通倉內賞撥米三十五萬石等語直隸被水地方普加賑恤需用米石較多自當寬為豫備俾小民均霑渥澤著加恩竟於通倉存米內撥給四十萬石該督即分飭應撥州縣赴通領運務期實用實銷不得任聽吏胥虛靡盜賣滋弊並著督率所屬確核戶口按數散給毋致一夫失所副朕軫念災黎有加無已至意該部即遵諭行御製命截留漕糧三十萬石於北倉以備直隸賑

恤之用詩以誌事

庚戌

畿南沴勢見經行日日憑輿切切情幸得山東資

接濟

直隸去秋被水淹侵處所正賑已畢疊加展賑尤幸山東去歲上稔畿南接壤商販貿遷

閭閻

毫無菜色然予軫念民生時切於懷矧連年全漕抵通天庾充盈現在糧艘已入直隸境內因

復降

旨令倉場侍郎蘇凌阿藩司馮光熊會同前往截漕三十萬石留貯北倉以示多方籌備至意

更宜天庾撥餘贏應知此後時猶遠可謂目前價

尚平

東作方始距麥秋之期猶遠雖目前糧價尚平而早為儲蓄以待賑糴之用庶有備可以

無患

耳 備以不虞早為計疆臣善體惻民生

二十六日奉

上諭梁肯堂奏山海關等處駐防兵丁每年支放兵米向在奉天永平等屬動支採買今應備五十六年兵米因奉天省連年撥賑存倉米石不敷而永平府各屬又偶因被水歉收未能採買即屯糧

亦應蠲緩難以通撥請即在通北兩倉賞撥米石
內支領等語著照所請所有山海關歲需兵米一
萬七千七百餘石永軍廳永協需米三千七百石
冷口需米二千二百六十石即在賞撥通北兩倉
米石照數支領以濟兵食該部知道摺并發

乾隆五十七年四月初九日奉

上諭直隸順德廣平大名三府自三月以來並未
得有雨澤而豫省河北彰德衛輝懷慶三府屬雖
間有微雨亦不成分寸朕心深為廑念昨已有旨
馳詢豫省矣現已將屆立夏即甘膏立需麥收已
不無歉薄自應早為設法接濟俾小民不致失所
若俟地方官具報到日再降諭旨恐閭閻口食未